



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган

WWW.XS.UZ

E-mail: Info@xs.uz

2018 йил 26 июль, № 153 (7111)

Пайшанба

Сайтимизга ўтиш учун QR-кодни
телефонингиз орқали сканер қилинг.



Аҳолига нефрология ва гемодиализ ёрдами кўрсатиш самарадорлиги ошади

Нефрологик касалликлар сўнгги вақтларда “ёшариб” бораётган ва аҳоли орасида кўп қузатилаётган хасталиклардир. Улар, асосан, меҳнатга лаёқатли кишиларда учрайди. Белгилари тезда намоён бўлмаслиги мумкин, бироқ терминал буйрак етишмовчилигига сабаб бўлиши билан хавфлидир.

Қандли диабет, сурункали гломерулонефрит ва пиелонефрит, буйрак поликистози нефрологик касалликларни келтириб чиқариши мумкин. Терминал ва ўткир буйрак етишмовчилигига дучор бўлган беморларни даволашда фақатгина икки усул самаралидир: биринчиси, программали гемодиализ, иккинчиси, буйрак трансплантацияси.



Мамлакатимизда ҳозирги кунда 2 минг 600 га яқин буйрак етишмовчилигининг терминал босқичидаги беморлар бор. Афсуски, уларни даволашда замонавий усуллардан тўла фойдалана олмаямиз. Республика ва барча вилоят тиб-

биёт муассасаларида нефрологик касалликларга чалинган шахсларга тиббий ёрдам кўрсатиш бўйича қатор чора-тадбирлар амалга оширилган бўлишига қарамай, уларнинг турмуш сифатини яхшилашни таъминлайдиган шарт-шароитлар за-

Тиббиёт

мон талабларига мос эмас. Жумладан, юртимиз тиббиёт масканларида гемодиализ олиш учун ўринларнинг умумий сони реал эҳтиёждан бир неча баравар кам, гемодиализ бўлинмаларининг ярмидан ортиги мослаштирилмаган хоналарда жойлашган, зарур мосламалар ва машиналарнинг белгиланган фойдаланиш муддати ўтиб кетган.

Беморларга ўз вақтида тахжис қўйишнинг самарали тизими яратилмагани касалликни барвақт аниқлаш ва унинг олдини олишда турли камчиликларни юзага келтирмоқда.

Президентимизнинг шу йил 12 июлдаги “Ўзбекистон Республикаси аҳолисига нефрология ва гемодиализ ёрдами кўрсатиш самарадорлигини ошириш чора-тадбирлари тўғрисида”ги қарори бу борадаги мавжуд муаммоларни тезкорлик билан ҳал этиш, тармоқда замонавий инфратузилмани ривожлантириш ва беморларга тиббий ёрдам кўрсатиш тизимини сифат босқичига олиб чиқишга қаратилган.

(Давоми 4-бетда).



Ҳасан ПАЙДОЕВ олган суратлар.

Анжуман

Навоий вилоятидаги 305 та маҳалланинг 107 тасида биронта ҳам жиноят содир этилмаган. Ўтган давр мобайнида ҳудудда жиноятчиликнинг бўлиши олиш ва ҳуқуқбузарликка қарши курашиш борасида муайян ишлар амалга оширилган, жумладан, вилоятнинг жиноят кўп содир этилган 10 та маҳалласини намунавий маҳаллага айлантиришга қаратилган “йўл хариталари” ишлаб чиқилиб, ижрога қаратилгани бунда муҳим омил бўлди. Бу ҳақда Ҳудудларда жиноятчиликнинг барвақт олдини олиш ва ҳуқуқбузарликка қарши курашиш Республика комиссияси ҳамда халқ депутатлари Навоий вилояти Кенгашининг қўшма ййгилишида сўз юритилди.

Жиноятчиликка қарши курашишда секторлар нега сушт?!

Вилоятда жорий йилнинг олти ойида жиноятчиликнинг барвақт олдини олиш ва ҳуқуқбузарликка қарши курашиш борасида амалга оширилган ишларни ўрганиш натижалари муҳокама қилинган ййгилишда вояга етмаганлар, ишламайдиганлар, илгари судланганлар, аёллар ва ёшлар томонидан жиноят содир этилиши ҳолатлари бирмунча камаян.

Бирок ютқлар қаторида айрим йўналишларда камчиликлар ҳам борлиги аниқланган. Хусусан, жиноятчиликнинг барвақт олдини олиш ва ҳуқуқбузарликка қарши курашиш борасида секторлар фаолияти ҳамда давлат ва жамоат ташкилотларининг ўзаро ҳамкорлиги тўғри йўлга қўйилмаганлиги натижасида вилоятда ўлим билан боғлиқ йўл-транспорт ҳодисалари, Кармана ва КониMex туманларида безорилик, Учқудуқ шаҳрида автотранспортни олиб қочиш, Нурота ва Хатирчи туманларида товланчилик каби жиноятлар сони ошган. Ички ишлар идоралари ва маҳалла тизимининг ўзаро ҳамкорлиги самарали тарзда йўлга қўйилмаган, коллеж

Темур ЭШБОЕВ,
«Халқ сўзи» мухбири.

«Ўзбекистоннинг ядро энергетикасини ривожлантириш бўйича саъй-ҳаракатлари мутлақо тўғри ва ниҳоятда оқилона қарордир»

Олимларнинг фикрича, атом энергияси ҳажми, узоқ муддатга этиши ва самарадорлигига кўра бугун дунёда мавжуд барча энергия манбаларидан устун туради.

Ўзбекистоннинг яқин келажақда ушбу энергиядан фойдаланадиган давлатлар сафига кириши тўғрисидаги хабар қисқа муддатда халқро ҳамжамиятда катта қизиқиш уйғотди.

Дунё нигоҳи

Хусусан, Ҳиндистоннинг “The Economic Times” газетасида чоп этилган мақолада 32 миллиондан



ортиқ аҳолига эга республикамизнинг электр энергиясига бўлган эҳтиёжи, асосан, газ ва кўмир ҳисобига ҳамда гидроэлектростанциялар орқали қондирилаётгани айтилади. “Аҳоли сонининг тез суръатлар билан ўсиб бораётгани, газ ва кўмир ресурсларининг

чекланганини назарда тутган ҳолда Ўзбекистоннинг ядро энергетикасини ривожлантириш бўйича саъй-ҳаракатлари мутлақо тўғри ва ниҳоятда оқилона қарордир”, деб ёзилади нашрда.

Ушбу мавзу юзасидан фикр юритилар экан, Сингапурнинг “The Straits Times” газетасида сўнгги вақтларда Ўзбекистон юритаётган очиклик сиёсати туфайли мамлакатга кўплаб хорижий сармоядорлар кириб келаётгани



ни ва янгидан-янги ишлаб чиқариш корхоналари қурилаётгани натижаси-

да энергияга эҳтиёж кескин ортгани қайд этилади.

Республиканинг салмоқли уран захираларига эгалиги атом соҳасини тарққий топтириш учун катта имконият яратди: “Дунёнинг қатор давлатлари атом электр станциялари учун хом ашёни четдан импорт қилишга мажбур бўлиб, бу маҳсулот таннархига салбий таъсир кўрсатади. Ўзбекистон эса табиий ресурслари, жуғрофияси ва иклими жиҳатидан қулай шарт-шароитларга эга. Натижада ишлаб чиқарилган энергияни нафақат аҳолига арзон нархда етказиб бериш, балки истикболда экспорт қилиш ҳам мумкин”.

Туркиянинг “Anadolu” ахборот агентлиги тарқатган мақолада кейинги вақтда чет эл компаниялари Ўзбекистоннинг ядро энергияси соҳасидаги имкониятларига катта қизиқиш билдираётгани таъкидланади.



(Давоми 4-бетда).

2018 йил — ФАОЛ ТАДБИРКОРЛИК, ИННОВАЦИОН ҒОЯЛАР ВА ТЕХНОЛОГИЯЛАРНИ КўЛЛАБ-ҚУВВATЛАШ ЙИЛИ

Юксак тараққиёт мезони

Ҳозирги глобаллашув шароитида инновацион ғоя ва технологиялар тараққиётнинг энг муҳим шарти, таъбир жоиз бўлса, гаровига айланди. Шу боис мамлакатимизда ривожланишнинг янги босқичида инновацион иқтисодийётга ўтиш, илғор ғоя ва ишланмаларни изчил амалга оширишга жиддий эътибор қаратилмоқда. Жорий йилнинг юртимизда “ФАОЛ тадбиркорлик, инновацион ғоялар ва технологияларни кўллаб-қувватлаш йили” деб эълон қилингани ҳам Ўзбекистоннинг бу борадаги амалий интилиш ва саъй-ҳаракатлари қанчалик қатъий эканлигини яққол кўрсатиб турибди.

Дарҳақиқат, Президентимиз томонидан сўнгги пайтда қабул қилинаётган ҳар бир Фармон ва қарор, илгари сурилаётган ташаббуслар замирида тараққиётга хизмат қиладиган эзгу ғоя, илмий изланиш ва инновацион ишланмаларни кўллаб-қувватлаш, янгиликлар, ижобий тажрибаларга кенг йўл очиш, фАОЛ тадбиркорлиқни рағбатлантиришга қаратилган оқилона сиёсат мужассам. Давлатимиз раҳбарининг 2017 йил 29 ноябр-

даги “Ўзбекистон Республикаси Инновацион ривожланиш вазирлигини ташкил этиш тўғрисида”ги Фармони биноан, шу йўналишдаги давлат сиёсатини амалга оширадиган ва мувофиқлаштириб борадиган махсус тузилма, шунингдек, Инновацион ривожланиш ва новаторлик ғояларини кўллаб-қувватлаш жамағмаси ташкил этилгани айни муддао бўлди.

(Давоми 3-бетда).

ПАРЛАМЕНТДАГИ МУХБИРИМИЗ ХАБАР ҚИЛАДИ



Долзарб масаланинг амалий ечимлари

Кўп қаватли уйларда турли муаммолар учраб туради. Гоҳ иссиқ сув қувури бузилади, гоҳида кириш йўлагидида ойналарни алмаштиришга тўғри келади. Болалар майдончаси, уй атрофини ободонлаштириш масаласи ҳар доим долзарб. Бундан ташқари, чиқиндиларни ўз вақтида олиб кетиш лозим... Қисқаси, уй-жой мулкдорлари ширкати ходимларининг қиладиган ишлари кўп.

Мамлакатимизда 32 минг 400 та кўп қаватли уйга хизмат кўрсатувчи 4 мингдан ортиқ ана шундай ширкатлар мавжуд бўлиб, турар ва нотураржойлардан фойдаланиш ва сақлаш масъулияти айнан улар зиммасида. Ҳўш, бугунги кунда ширкатларда бу вазифалар қай даражада удаланмоқда? Соҳадаги муносабатларнинг қонуний асослари мустаҳкамланганими?

Бир гуруҳ депутатларнинг фикрига кўра, уй-жой ва коммунал соҳада фойдаланилмаётган ҳамда тўлиқ ишга солинмаган имкониятлар мавжуд. Бу ҳақда Олий Мажлис Қонунчилик палатаси Саноят, қурилиш ва савдо масалалари қўмитаси ЎзЛиДеП фракцияси билан биргаликда ташкил этган тадбирда алоҳида таъкидланди.

Соҳадаги муаммолар ечимига хизмат қиладиган қонунчилик нормаларини тақлиф этиш мақсадида қўмита томонидан “Кўп квартиралар уйларда турар ва нотураржойлардан, умумий мулкдан фойдаланиш ва уларни сақлаш тартиби тўғрисида”ги қонун лойиҳаси ишлаб чиқилди. Унда белгиланган меъёрлар ҳамда аниқликлар депутатлар, соҳа мутахассислари ва экспертлар иштирокида муҳокама этилди.

— 1991 йилда уй-жой билан таъминлаш кўрсаткичи юртимизда жон бошига 12,4 квадрат метри ташкил этган бўлса, айни пайтда бу кўрсаткич 15,2 кв.м.га тенг, — дейди Олий Мажлис Қонунчилик палатаси депутаты Клара Жумамуротова. — Уй-жой қурилиши соҳаси фАОЛ ривожланиши баробарида, умумий мулк ва улардан фойдаланиш борасида ҳам ечимини қутаётган муаммо-

лар вужудга келяпти. Жумладан, кўп қаватли уйларнинг ташқи фасади архитектурасининг бузилиши, тез тиббий ёрдам ва ёнғин хавфсизлиги техникаларига ҳалақит қилувчи ноқонуний қурилишлар, рухсат этилмаган жойларни ўраб олиш кабилар шулар жумласидан. Қонун лойиҳасида кўп квартиралар уйларда турар ва нотураржойларни сақлаш тартиби, мол-мулк соҳибларининг ҳуқуқлари, мажбуриятлари белгиланган. Уйни бошқаришда фуқаролар, мулкдорлар, эксплуатация қилишни амалга оширувчи ҳамда бошқарувчи ташкилотлар, шунингдек, кўп квартиралар уйга мустақил хизмат кўрсатувчи хусусий уй-жой мулкдорлари ширкатларига ҳам талаблар қўйилмоқда.

Қонун лойиҳасида фуқароларнинг яшаш шароитлари бузилишига олиб келувчи ҳамда уларнинг ҳуқуқлари ва қонуний манфаатларига тўсқинлик қилувчи ҳаракатлар оқибатида бошқа мулкдорларга ёки уйнинг конструктив тузилишига зарар етказилишига йўл қўйилмаслик масалаларига ҳам эътибор қаратилган.

Шунингдек, кўп квартиралар уйларда умумий мулкни жорий ва мукамал таъмирлаш, муҳандислик тизимлари сақланувчанлиги, санитар-эпидемиологик ва техник талабларга риоя этилиши, уй-жойга тегишли ҳовлини ободонлаштириш каби масалалар ўз аксини топтомоқда. Қурилиш ишларини ўтказишда шовқин даражаси кўрсаткичлари меъёрини сақлаш каби нормалар ҳам лойиҳада келтирилган.

(Давоми 2-бетда).

Мўйноқда газ кони фойдаланишга топширилди

Мўйноқ туманидаги Қуйи Сурғил ҳудудида иккинчи қудуқ очилиб, саноят захираларида табиий газ оқими ва газ конденсати олишга киришилди.

ИЗЛАНИШ

“Ўзбекнефтгаз” АЖдан маълум қилишларича, жорий йилнинг январь ойида ушбу ҳудудда катта ҳажмда газ захиралари мавжудлиги аниқланган. Яқин келажақда яна шундай бир неча қудуқлар топилиши ва ишга туширилиши кутляпти.

Бугунги кунда “Ўзбекнефтгаз” АЖнинг геофизиклар, геологлар ҳамда муҳандислардан иборат махсус гуруҳи Қуйи Сурғилда қидирув ишларини фАОЛ олиб бормоқда. Ушбу жараёнда энг замо-

инфратузилмасини ривожлантиришга алоҳида эътибор қаратилмоқда. Ушбу ҳудудда катта ҳажмда газ захиралари мавжудлиги аниқланган. Яқин келажақда яна шундай бир неча қудуқлар топилиши ва ишга туширилиши кутляпти.

Бугунги кунда “Ўзбекнефтгаз” АЖнинг геофизиклар, геологлар ҳамда муҳандислардан иборат махсус гуруҳи Қуйи Сурғилда қидирув ишларини фАОЛ олиб бормоқда. Ушбу жараёнда энг замо-



навий техникалар ва асбоб-ускуналардан фойдаланилаётир.

Ҳидоят АҲМЕДОВ,
«Халқ сўзи» мухбири.

Долзарб масаланинг амалий ечимлари

(Давоми. Бошланиши 1-бетда).

— 2013 — 2018 йилларда пойтахтнинг бир қатор кўп қаватли уйларида кредит маблағлари асосида уй-жой мулкдорлари ширкатлари томонидан 590 миллиард сўмлик қурилиш, таъмирлаш ишлари олиб борилди, — дейди Тошкент шаҳар ҳокимининг капитал қурилиш, коммуниқациялар ва коммунал хўжалик масалалари бўйича биринчи ўринбосари Нодиржон Мақсумов. — Биргина 2018 йилнинг ўзида 153 миллиард сўмлик кредитларни йўналиштириш назарда тутилган. Аммо масаланинг иккинчи томони ҳам бор. Кўп квартиралар уйнинг атрофини ширкат оёбод қилиб беради. Орадан маълум муддат ўтганидан кейин ўша худудга борсан-

Фаолиятимиз ўзгарди, аммо бу етарли эмас

"Миллий тикланиш" демократик партияси Олий Мажлис Қонунчилик палатасидаги фракцияси аъзоларининг 2018 йил биринчи ярмида қонун ижодкорлиги соҳасида фаолияти бирмунча ошди. Депутатлар томонидан қонунчилик ташаббуси ҳуқуқи асосида 11 қонун лойиҳаси киритилган бўлса, унинг 9 тасида айнан фракция аъзолари иштирок этди. Бунда фракция аъзолари ўз фаолиятини Президентимиз Шавкат Мирзиёевнинг Олий Мажлис палаталари, сиёсий партиялар ҳамда Ўзбекистон экологик ҳаракати вакиллари билан бўлиб ўтган видеоселектор йиғилишидаги маърузасида ҳамда парламентга Мурожаатномасида белгиланган устувор йўналишлар асосида ташкил этгани муҳим омил бўлди.

Бундан ташқари, партия дастурий вазифалари ва электорат манфаатлари ҳамда фуқаролар мурожаатларида келиб чиқиб, бир қатор ташаббуслар илгари сурилди. Масалан, фракция аъзолари томонидан "Ўзбекистон Республикасининг айрим қонун ҳужжатларига қўшимча ва ўзгаришлар киритиш тўғрисида"ги, "Жамоат жойларида чилим ва электрон сигареталар чекишни чеклаш тўғрисида"ги Қонун 2018 йил 2 июль кунини давлатимиз раҳбари томонидан имзоланди.

Оммавий ахборот воситалари ходимлари учун ташкил этилган матбуот анжуманида бу ҳақда "Миллий тикланиш" ДП фракция раҳбари, Олий Мажлис Қонунчилик палатаси Спикери ўринбосари Сарвар Отамуродов ахборот берди. Унинг таъкидлашича, қуйи палатага киритилган 73 та қонун лойиҳасининг 41 тасида фракция аъзолари

масъул бўлиб, уларнинг қабул қилинишида ҳам фаол иштирок этди.

Матбуот анжуманида журналистлар фракциянинг маданий мерос объектларини асраш тадбирларидаги иштироки ва позицияси билан қизиқди. Фракция раҳбарининг маълум қилишича, бу борада "Миллий тикланиш" ДП қонунчилик тажрибасида илк бор ҳукуматга мазкур масала юзасидан таклиф киритган. Унга кўра, 4 та қонуности ҳужжати ва Вазирлар Маҳкамасининг маданий мерос объектлари муҳофазаси билан боғлиқ қарори қабул қилинди. Бу иш бундан кейин ҳам фракция аъзоларининг диққат-эътиборида бўлиши таъкидланди. 2018 йил якунига қадар маданий вазирнинг бу борада олиб борилаётган ишлари юзасидан Парламент эшитувини ташкил этиш режалаштирилмоқда.

Анжуманда қайд этилганидек, партия фракциясининг фаолиятида ўзгаришлар кузатилади, аммо ҳали қилиниши лозим бўлган ишлар талайгина. Айниқса, янги таҳрирдаги "Туризм тўғрисида"ги қонун лойиҳасини ишлаб чиқиш, амалий тадбирлар салмогини янада қучайтириш, режадаги тадбирларнинг ўз вақтида ижросини таъминлаш зарурлиги таъкидланди.

Мунистон КАРИМОВА.

Сувнинг ҳар қатраси зарга тенг, деган иборанинг аҳамияти, таъсирини бугун ҳар қачонгидан-да кўпроқ ва теранроқ сезяпмиз. Сабаби ушбу неъмат йил сайин танқис бўлиб бормоқда. Йил қурғоқчил келган вақтда бу ҳосилдорликка ўз таъсирини кўрсатапти.

ПАРЛАМЕНТ НАЗОРАТИ

Бунда, албатта, инсон омили ҳам бор. Боиси сув объектларида ўзбошчимлик билан олиб борилаётган "тадбиркорлик" ишларининг оқибатлари қимматга тушапти. Айниқса, қум-шағал материалларидан табиатга завол етказмаган ҳолда фойдаланиш масаласи ҳар қачонгидан ҳам долзарбдир.

Ўзбекистон Республикаси Президентининг 2017 йил 25 сентябрдаги "Сув объектларини муҳофаза қилиш тизимини янада такомиллаштириш чора-тадбирлари тўғрисида"ги қарори бу борадаги қатор муаммоларга ечим топиш, жумладан, соҳани тартибга солиш ва уни тизимлаштиришда муҳим ҳуқуқий ҳужжат бўлди.

Ушбу қарор ижроси парламент қуйи палатасининг Экология ва атроф муҳитни муҳофаза қилиш масалалари қўмитаси томонидан парламент нозорати тартибида Қашқадарё вилояти мисолида ўрганилди.

Очигини айтиш керак, қум-шағал материалларининг руҳсатсиз қазиб олиниши аксарият ҳолларда ер усти ва ер ости сувлари камайиб кетиши, сувни муҳофаза қилиш зоналари ботқоқлашиши ва ифосланиши, уларнинг қирғоқлари, сугориш тизимлари, транспорт ва гидротехника инф-

Дарёлардаги ўзбошчимча «тадбиркорлик» қимматга тушапти

тибсиз равишда қазиб олиниши туфайли дарё ўзани бузилиши ва сув оқимининг хавфли ўзгаришига, қирғоқларнинг емирилишига сабаб бўлаётгани аниқланди.

Энг ачинарлиси, Жанубий ҳалқаро ва давлат аҳамиятидаги автомо-бил йўлларини сақлашга ихтисослаштирилган таъмирлаш-фойдаланиш корхонаси томонидан қазиб олинган қум-шағал аралашмаси ҳисоби юри-тилмагани кузатилди. Ҳузур дарёси-нинг ўзани қазиб олиниши оқибати-да қирғоқда 20 — 30 метрлик чуқур-лик, энгига эса 100 — 150 метргача бўлган жарликлар ҳосил бўлган. Бу-нинг натижасида бугунги кунда мав-жуд дарё ва бошқа сув объектлари ландшафтлари кескин ўзгариб, сув ва ер ресурсларига, ўсимлик ҳамда ҳай-вонот дунёсига, уларнинг яшаш ва ўси-ш муҳитига ҳамда қум-шағал за-хираларига катта зиён етказилмоқда.

Дарёлар ўзанлари қум-шағал за-хираларидан ноқонуний фойдаланиш, оқибатда ўзанлар чуқурлашиб, ер усти ва ер ости ичимлик суви захи-раларининг ифосланишига, дарё ўзанларидаги айрим стратегик объектлар, жумладан, кўприклар, ма-гистрал йўллар, газ ва сув қувурлари хавфсизлигига жиддий хавф солаёт-ир. Шу билан бирга, дарё ўзанла-рида ҳосил бўлган ноқонуний чiqин-дионалар, ўз навбатида, маҳаллий аҳоли орасида турли инфекцион ка-салликларнинг тарқалишига сабаб бўлимоқда. Дарё ўзанларининг чуқур-лашиши қирғоқлар ўпирилиши, бет-қоқиклар пайдо бўлишига олиб кел-

япти. Энг хавфлиси, дарё атрофида деҳқончилик юритиб келаётган маҳал-лий аҳолининг минглаб гектар май-донлари ва хўжаликларнинг сув таъ-минотига салбий таъсир кўрсатиши натижасида экин ерларининг таназ-зул жараёни тезлашишига сабаб бўлмоқда.

Президент қарори ижроси юзаси-дан вилоятда амалий чора-тадбирлар олиб борилаётгани ҳам ўрганишлар давомида маълум бўлди. Хусусан, ви-лоятда 62 та корхона ва ташкилотга дарё ўзанларини тозалаш ҳамда қир-ғоқни мустаҳкамлаш ишлари учун аж-ратилган ер майдонлари захирага қай-тарилиб, қум-шағал қазиб олувчи мах-сус транспорт воситалари дарё ўзан-лари ва қирғоқларидан чиқартирил-ган.

Давлатимиз раҳбарининг қарори-га биноан, бундан кейин тегишли ко-миссиянинг қарорисиз тадбиркорлик субъектларига ушбу фаолият учун ер участкаларини ажратиш тақиқлаб қўйилди. Мазкур қарор ижроси усти-дан назорат қилувчи органларнинг огоҳлантиришига қарамай, фаолияти-ни давом эттирган ёки ўзбошчимча-лик билан ноқонуний фаолият юрит-

Бундан ташқари, Экология ва атроф муҳитни муҳофаза қилиш масала-лари қўмитасининг ушбу жараёнда аниқланган қамчиликларни бартараф этишга қаратилган тавсиялари акс этган қарори қабул қилинди ҳамда мутасадди идора ва ташкилотларга юборилди.

Президент қарорининг ҳаётта самарали таътиб этилиши дарё ва сув ҳавзалари ўзанларини тозалаш, қирғоқларини мустаҳкамлаш, нуруда фой-дали қазилмалар, хусусан, қум-шағал материалларини ноқонуний қазиб олишга чек қўйиш, улар билан шугулланувчи субъектларни давлат рўйха-тидан ўтказиш ҳамда атроф-муҳитга салбий таъсирини бартараф этишга хизмат қилиши, шубҳасиз.

Ислом ХУШВАҚТОВ,
Ўзбекистон Республикаси Олий Мажлиси
Қонунчилик палатаси депутати.

МАҲАЛЛИЙ КЕНГАШЛАРДА

Қишлоқ хўжалиги — мамлакатимиз иқтисодиётида муҳим ўрин тутадиган соҳалардан бири. Шу маънода, уни модернизациялаш, экин майдонларини оптимallasштириш, сув ва бошқа ресурслардан оқилона фойдаланиш ҳаётий заруратдир.

Ташаббус кўрсатиб ишлайдиган вақт келди

Халқимизни боқадиган, кийинтирадиган фермер, деҳқон хўжаликлари, томорқа ер эгалари фаолиятини ҳар томонлама қўллаб-қувватлаш, тизимда самарадорликка эришиш мақсадида барча мутасаддилар, айниқса, ту-манлардаги сектор раҳбар-лари, маҳаллий Кенгашлар депутатлари, сенаторлар, фу-қароларнинг ўзини ўзи бош-қарши органлари қисқарти- билан ҳамқор хамнафас бўлиб ҳаракат қилишни та-лаб этади.

Айни пайтда Андижон вило-ياتида 15 мингга яқин фер-мер хўжаликлари фаолият юритяпти. Уларнинг салкам 5,5 мингтаси кўп тармоқли субъектларга айлантирилди. Кўп тармоқли фермер хўжа-ликлари эндиликда хом ашё етиштириш билан чекланиб қолмасдан, замонавий техно-логиялар ёрдамида тайёр махсулотлар ишлаб чиқариш- ни ўзлаштирмоқда.

2016 — 2020 йилларда со-ҳани янада ривожлантириш дастурига асосан, ҳосилдор-лиги паст бўлган пахта ҳамда галла майдонлари қисқарти-рилиб, у ерларда мева-саб-завот, полиз ва дуккакли экинлар етиштириляпти, за-монавий интенсив бог ҳамда тоқзорлар барпо этилмоқда. Хусусан, сўнгги икки йил мо-байнида 4,2 минг гектар пах-та ҳамда 8 минг гектар галла майдонлари қисқартирилган фирмиксиз далилидир.

Қир-адирлардан ҳам уну-м-ли фойдаланиши даврнинг ўзи тақозо этмоқда. Шу боис Асака, Марҳамат, Қўргонте-па туманларидаги 4 минг 329 гектар адир ерларга хан-дон pista ва ёнғоқ қўчталар-ни экилди. Шунингдек, "Шафран илмий-тадқиқот маркази" масъулияти чеклан-ган жамиятга Қўргонтепа ҳамда Марҳамат туманлари-дан 20 гектар ер ажратилган pista, бодом, унаби каби доривор ўсимликларни етиш-тиришга катта туртки бераёт-ир.

Яна бир муҳим масала, бу — томорқадан унумли фой-даланиш. Олтинқўл тумани томорқачиликдаги тахрибаси инобатда олинган ҳолда, на-мунавий туман сифатида тан-ланган. Ҳозирги кунда туман-

даги 56 та маҳаллада агро-фирмалар ташкил қилинди. 30 минг 114 та хонадонда умумий майдони 301,1 гек-тар иссиқхоналар бунёд эти-либ, лимон етиштириляпти. 15 мингдан ортиқ хонадон-ларда экилган ёнғоқ ва уна-би оила дарамадига хисса бўлиб қўшиляпти. Кредитга бўлган талаб ўрганилганида, унинг миқдори 164,7 милли-ард сўмлик бўлиб қолганиб, дастлабки босқичда агро-фирмаларга 31,2 миллиард сўм маблағ тижорат банкла-ри томонидан ажратилди.

Президентимизнинг шу йил 7 июндаги "Ҳар бир оила — тадбиркор" дастурини амалга ошириш тўғрисида"ги қарори яна бир қувончли воқеа бўлди. Унга кўра, жо-рий йилнинг 10 июнидан бошлаб намунавий тарзда Андижон вилоятининг туман ва шаҳарларида "Ҳар бир оила — тадбиркор" худудий дастури татбиқ этиладиган бўлди.

Айни кунларда вилоят ҳокимлиги томонидан маҳал-лий Кенгашлар депутатлари ҳамда тегишли мутахассис-лардан иборат ишчи гуруҳи ташкил этилиб, 878 та ма-ҳалла фуқаролар йиғинида тадбиркорлик билан шугул-ланиш истагидаги шахслар имкониятлари ўрганилмоқда. Бундай эзгу ташаббуслар оилавий тадбиркорлиқни ри-вожлантириш, барқарор да-ромад манбаини шаклланти-риш орқали аҳолининг яшаш шaroитларини тубдан яхши-лаш, турмуш даражасини оширишга қаратилгани билан гоятда аҳамиятлидир.

Бугун кечаги кун эмас. Янги кун янгича гоя ва ёнда-шувлар асосида фаолият юритишни талаб қилмоқда. Демак, ҳар кун, ҳар соҳада ташаббус қўрсатиб, сидқи-дилдан ишлайдиган давр келди. Президентимиз тала-би ҳам аслида шу, Ватани-миз тараққиёти учун хисса қўшиш, одамларни рози қилиш — энг олий саодат.

Абдурауф АБДУЛЛАЕВ,
халқ депутатлари Андижон
вилояти Кенгашининг
Аграр, сув хўжалиги
масалалари ва
экология бўйича доимий
комиссияси раиси.

Коррупцияга йўл қўйилмайди



Коррупция жамиятда носоғлом муҳитни, салбий иллатларни юзага келтиради, ижтимоий адолатга раҳна солиб, фуқароларда давлат органларига ишонқисизлик қайғияти кучайишига олиб келади. Шу боис унга қарши курашиш жамиятда устуворлик касб этиб, тараққиётнинг асосий йўналишларидан бирига айланди.

Лекин тараққиётимизга болта ураётган порахўрлик иллатини таг-томири билан йўқ қилиш бўйича зарур чоралар қўрилишига қарамай, афсуски, бу борада кўнгилни хира қиладиган далиллар, рақамлар ҳали-ҳамон кузатилмоқда.

Бош прокуратура хузуридаги Иқти-содий жиноятларга қарши курашиш де-партаменти томонидан тақдим этилган маълумотларга кўра, жорий йилнинг ўтган даврида олиб борилган тезкор тадбирлар натижасида турли ташкилот ва идораларга ишга қабул қилиш жа-разидларидаги коррупция ҳолатлари юзасидан 128 та жиноят фовш этилган.

Шундан 47 таси тиббийёт соҳасида, 27 таси фирибгарлар томонидан ҳуқуқ-тартибот идораларига ишга олиб ки-риш ҳолатлари бўйича, 24 таси ишлаб чиқариш тармоғида, 17 таси таълим ва 5 таси бошқа соҳаларда содир этилган бўлса, 8 та ҳолат фуқароларни чет элга ишга ноқонуний жўнатиш ва жойлаш-тириш билан боғлиқ жиноятлардир.

Худудлар кесимида оладиган бўлсак, Андижон, Фарғона ва Қашқадарё вило-ятларида 17 тадан, Бухоро вилоятида 14 та, Навоий вилоятида 13 та, Тош-кент шаҳрида 12 та, Тошкент вилояти-да 8 та, Наманган вилоятида 7 та, Қора-қалпоғистон Республикаси ва Самар-қанд вилоятида 5 тадан, Сирдарё ва Ҳоразм вилоятларида 4 тадан, Сурхон-дарё вилоятида 3 та ҳамда Жиззах вилоятида 2 та ҳолат қайд этилган.

Тилга олинганда порахўрлар ва уларнинг гумашталари жамиятнинг но-зиқ халқасига болта урмаганларида эди, бу мавзуга яна қайтилмаган бўлар эди. Аммо...

Андижон вилоятининг Шаҳрихон ту-манида истикомат қилувчи Ҳамидулла Исоҳов ҳуқуқ-тартибот идораларига

ариза билан мурожаат қилган фуқаро-нинг ўғлини "ички ишлар тизимига ишга қиритаман", дея 2 минг, қариндоши Арабовни "Бош прокуратура хузурида-ги Мажбурий ижро бюросига ишга жой-лаштираман", деб яна 2 минг АҚШ до-ллари сўрайди. "Ҳожаббарор" бу шововз Шаҳрихон туманидаги супермаркетда 4 минг долларни олаётганда жиноят устида қўлга тушди.

Бош прокуратура хузуридаги Иқти-содий жиноятларга қарши курашиш де-партаменти томонидан ўтказилган тез-кор тадбирда Уктам Ҳайитов фуқаро Отабек Турсуновдан "Бухоро нефтни қайта ишлаш заводига ишга жойлаш-тириб қўяман", дея 1000 АҚШ доллари талаб қилади. Шу йилнинг 11 январь кунининг ҳам етиб борар манзили Гиждувондаги "Бек" кафеси бўлди. Ҳайитовнинг ўзи иқдор бўлишича, у пулни ҳеч кимга бермоқчи бўлмаган ҳамда ишга қирмоқчи бўлган ўз юртдошини тунанган.

— Мен ишга қўймоқчи эмасдим, — дейди Уктам Ҳайитов. — Бунини урдада олимасдим барибир. Чунки у ерда ҳеч қанақа танишим йўқ. Фақат пул олиш учунгина шу нарсани ўйлаб топдим.

Давлат хавфсизлик хизмати ҳамда Бош прокуратура хузуридаги депар-таментнинг ҳамкорликдаги тадбири на-тижасида уч фарзанднинг онаси, олий маълумотли Махлиё Тўйева Анвар Ота-хоновнинг ишончига қириб, 3,5 минг АҚШ доллари эвазига уни танишлари орқали Ўзбекистон Республикаси Ички ишлар вазирлиги қоровул қўшинлари сафига шартнома асосида ҳақиқий ҳар-бий хизматда ишга жойлаштириб қўйишни ваъда қилади.

Натижада кимёвий ишлов берилган 3500 АҚШ долларини олган вақтда уш-ланиб, тегишли тартибда ҳужжат-

соҳасидаги овқатланаш масаласи-да ўтказилган илк миллий сўров-нома якунига етди. Болалар соғ-лигини сақлаш, уларнинг овқатла-ниши, эрта ёшдан ривожланиши-ни муҳофаза этишни қамраб оли-диган кўп тармоқли ёндашув — уй таширфлари хизматлари такомил-лаштирилди. Бу оилаларга зару-рий тавсиялар бериш ва уларни қўллаб-қувватлаш имконини яратади.

Ўзбекистон — таълим сифати-ни янада такомиллаштириш, шу орқали барчани билим олишга йўналиштириш тарафдори. ЮНИСЕФ мазкур масалада ҳукуматга ёрдам кўрсатмоқда.

Ўзбекистонда болалар ҳамда ёшлар ҳуқуқларини муҳофаза этишда Омбудсман институтини яратиш юзасидан ҳам ҳамкорлик қиляпмиз. Мамлакатингизда икти-моий соҳа вакилларининг касбий хизматларини кенгайтириш бўйи-ча режа ишлаб чиқилгани ва бу

Афшан ХАН, ЮНИСЕФнинг Европа ва Марказий Осиё бўйича минтақавий директори:

“Ўзбекистоннинг баркамол авлод ҳуқуқ ва манфаатларини таъминлашдаги интилишлари БМТ қарашларига мос келади”

Ўзбекистонда Президент Шавкат Мирзиёев бошчилигида инсон манфаатларини таъминлаш, халқаро ҳуқуқ ва меъёрларга риоя этишга алоҳида эътибор қаратиб келинмоқда.

Мамлакат ҳукумати 2013 йилда БМТ Бола ҳуқуқлари бўйича қўми-таси томонидан таклиф этилган тавсияларни қабул қилди. Бола ҳуқуқлари тўғрисидаги конвенция-ни амалга ошириш бўйича Идора-лараро мувофиқлаштирувчи кен-гаш тузилди. Янги Миллий ҳара-катлар режасига кўра, БМТ қўми-тасининг тавсияларини бажариш бўйича аниқ чора-тадбирлар бел-гилаб олинди. Айтиш керакки, ёшлар ҳуқуқ ва ижтимоий ҳимо-ясини қучайтириш борасида ҳуку-мат томонидан билдирилган қарарлар Бирлашган Миллатлар Ташкилотининг ёшларга сармоя киритиш позициясига ҳар жиҳат-дан мос келади.

Сўнгги икки йил ичида Ўзе-бикстон ислохотларни рўёбга чиқариш бўйича кенг қўламли

дастурни ишлаб чиқди. Ўз навба-тида, инсон ҳуқуқлари масаласи-да БМТ Болалар жамғармаси (ЮНИСЕФ) билан ҳамкорлик кен-гайиб борапти. Бундай янги сазй-ҳаракатлар болалар ҳамда ёшлар-нинг орзу-умидлари ва манфаат-ларини ўзида акс эттирган бўлиб, ҳеч бир фарзанд бундай эътибор-дан четда қолиб кетмаслигини на-зарда тутати.

Бугунги кунда оналар ҳамда болалар саломатлигини муҳофаза қилиш масаласида соғлиқни сақ-лаш тизимини мустаҳкамлаш ва сифатли тиббий хизмат кўрсати-лиши учун тиббийёт ходимлари ма-лакасини оширишга қўмаклашмоқ-дамиз.

Кучли ижтимоий сиёсат ҳамда халқаро ҳамкорлик туфайли Ўзе-бикстон вакцинация бўйича юқори

натижа — 95 фоизлик кўрсаткича эришди. Пировардида полиомие-лит, қизамик ва қизилча касалли-кларига батамом барҳам берилди. Бунинг натижаси ўларок, болалар ўлими ҳамда касалликлари сези-

ЭЪТИРОФ

ларли даражада камайди. Янги вакциналарни ишлаб чиқариш, ре-жалаштириш тизимини мустаҳкам-лаш, препаратларни харид қилиш ҳамда етказиш, шунингдек, им-мунизация бўйича ходимлар салоҳи-ятини ривожлантириш масалала-рида ҳам ЮНИСЕФ фаоллик кўрсатмоқда.

Ҳаётнинг дастлабки босқичидан бошланадиган тўғри овқатланиш болаларнинг жисмоний ва ақлий ривожланиши ҳамда саломатлиги-да муҳим роль ўйнайди. Ҳамкор-лик доирасида соғлиқни сақлаш

Аҳолига нефрология ва гемодиализ ёрдами кўрсатиш самарадорлиги ошади

(Давоми. Бошланиши 1-бетда).

Қарор ижроси доирасида Ўзбекистон Республикаси Соғлиқни сақлаш вазирлиги ва унинг ҳудудий бўлинмалари томонидан бирламчи тиббиёт-санитария ёрдами муассасаларида республика ихтисослаштирилган илмий-амалий тиббиёт марказлари, олий тиббиёт таълим муассасалари клиникалари, кўп тармоқли шифохоналарнинг етакчи мутахассислари иштирокида тизимли равишда аҳоли тиббий кўриқдан ўтказилади.

Беморларга ташхис қўиш ва уларни гемодиализга юбориш жараёнининг халқаро амалиётга мувофиқ қайта қўриб чиқиши, юртимизда сурункали буйрак етишмовчилигига дучор бўлганлар ҳисобини юритиш ва уларнинг мониторингини олиб боришнинг ягона электрон регистри жорий этилиши нефрологик касалликларни даволаш ва реабилитация қилиш бўйича ишларни янги bosқинга кўтаради.

Аҳолига ихтисослаштирилган нефрологик ва гемодиализ тиббий ёрдам кўрсатиш самарадорлигини ошириш бўйича чора-тадбирлар дастурининг тасдиқлангани бу борада кўзда тутилган тадбирларнинг ўз вақтида, тўлиқ ва сифатли амалга оширилиши таъминлайди.

Тошкент шаҳар нефрология шифохонаси негизда Республика ихтисослаштирилган нефрология ва буйрак трансплантацияси илмий-амалий тиббиёт марказининг ташкил этилиши, айниқса, мамлакатимиз ҳаёти ва тиббиётда катта воқеалиқдир. Мазкур даргоҳ нафақат жойлардаги муассасаларни услубий жиҳатдан зарур материаллар билан таъминлайди, балки соҳада илм-фанни ривожлантиришга, даволашнинг юқори технологик усуллари ва замонавий стандартларини ишлаб чиқиш ва амалиётга жорий этишга ҳисса қўшади.

Марказдаги гемодиализ аппаратларининг умумий сони 40 тага (шулардан 10 таси болалар гемодиализи бўлими учун) ва беморларнинг стационар равишда даволаниши учун ўринлар сони 170 тага оширилиши мамлакатимизнинг турли ҳудудларидан даволанишга муҳтож бўлиб келаётган юртдошларимизга юқори малакали ихтисослаштирилган тиббий ёрдам беришга асос яратди. 20 ўринга мўлжалланган буйрак трансплантацияси бўлимининг очилиши ҳафта даво-

мида 4-5 нафар беморга буйракни қўчириб ўтказиш амалиётини бажаришга, бу эса йиллар давомида гемодиализ муолажасини олаётганлар сонини қисқартириш ва унга муҳтожларнинг тезроқ бу муолажага бўлган эҳтиёжини қондиришга ёрдам беради.

Бугунги кунда шифохонамизда кенг қўламли реконструкция ва қурилиш ишлари олиб боришга пухта ҳозирлик қўрилмақда. Атроф ободонлаштириляпти.

Республика ихтисослаштирилган нефрология ва буйрак трансплантацияси илмий-амалий тиббиёт маркази негизда Тошкент врачлар малакасини ошириш институти “Нефрология, гемодиализ ва буйрак трансплантацияси” кафедраси ташкил этилади, 2019/2020 ўқув йилидан бошлаб, магистратура ва клиник ординатуранинг “нефрология” ва “болалар нефрологияси” мутахассисликлари бўйича янги йўналишлари очилади. Бу соҳанинг ориқли муаммоси — кадрлар масаласини самарали ҳал этишда муҳим аҳамият касб этади. Марказда яратилган шароитлардан унумли фойдаланиб, билимини бойитган, малакасини оширган шифокорлар замонавий дунё стандартлари ва протоколларига мос муолажалар ҳамда операцияларни ўткази олишига ишонамиз.

Президентимиз қарорининг яна бир муҳим жиҳати, “Ўзбекистон диализ жамияти” нодавлат нотижорат ташкилотининг тузилишидир. Гемодиализ муолажасини олишга мажбур бўлиб қолган беморларнинг бирданига саросимасига тушишини ҳаммамиз тушунамиз. Ташкилотнинг асосий вазифаларидан бири бундай беморларни руҳий ва ҳуқуқий қўллаб-қувватлаш, гемодиализ хизмати фаолияти устидан жамоатчилик назорати ўрнатиш, даволашнинг замонавий услубларини амалиётга киритишдан иборатдир.

Халқаро ҳамкорликнинг кучайтирилиши чет эл етакчи клиникаларининг юқори малакали мутахассислари томонидан юртимизда ўқувларни ташкил этиш, ёш кадрларимизнинг эса бу клиникаларда тажрибасини ошириб қайтишга имкон яратди.

Улугбек ЮЛДАШЕВ,
Соғлиқни сақлаш вазирлиги
Бош трансплантолог,
Тошкент шаҳар
нефрология шифохонаси
буйрак трансплантация
бўлими мудири, тиббиёт
фаллари номзоди.

«Ўзбекистоннинг ядро энергетикасини ривожлантириш бўйича саъй-ҳаракатлари мутлақо тўғри ва ниҳоятда оқилона қарордир»

(Давоми. Бошланиши 1-бетда).

Жумладан, ўтган йили Россиянинг “Росатом” давлат корпорацияси делегацияси республикага ташриф буюргани эслатиб ўтилади. Томонлар тинчлик мақсадларида атом энергиясидан фойдаланиш соҳасидаги ҳамкорлик юзасидан битим имзолаган эди. Хўж-жат мазкур соҳада аниқ йўналтирилган лойиҳалар ва илмий тадқиқотларни амалга оширишга қаратилган. “Anadolu” журналистлари Ўзбекистон радиоизотопларни ишлаб чиқариш ва уларни саноат, тиббиёт ҳамда қишлоқ хўжалиги соҳаларида қўллаш борасида салмоқли салоҳиятга эгалигини алоҳида таъкидлайди.



“Ўзбекистонда Атом энергетикасини ривожлантириш агентлиги ташкил этилади”. **Россиянинг “Eurasia Daily”** ахборот-таҳлилий порталида жойлаштирилган шарҳ шундай номлан-

ган. Мақолада айтилишича, янги тузилма Ўзбекистон Республикаси Вазирлар Маҳкамаси ҳузурида фаолият юритади. Агентлик атом энергетикасини ривожлантириш ва ундан фойдаланиш соҳасида ягона давлат сиёсати ва стратегия йўналишларни ишлаб чиқиш ҳамда амалга ошириш учун масъул бўлган давлат бошқаруви органи саналади.

“Интерфакс” ахборот агентлиги (Россия) мухбири эса атом энергетикаси



соҳасида юқори малакали кадрлар тайёрлаш бўйича ҳукуматимизнинг режалари ҳақида фикр юритган. Хусусан, жорий йилнинг охиригача Мирзо Улуғбек номидаги Ўзбекистон Миллий университети ва Самарқанд давлат университетида янги квоталар ажратилиши билдирилган. Маз-

кур йўналишда таълим оладиган талабалар учун атом энергетикасининг аниқ мутахассисликлари юзасидан хорижий таълим муассасаларида ўқиши ва амалиёт ўташи учун шароитлар яратилиши ҳусу-сида сўз юритилган.

Беларусининг марказий “Беларусь телеграф агентлиги” (“БЕЛТА”) Ўзбекистон Халқаро атом энергияси агентлиги, Атом энергияси бўйича Европа ҳамжамияти ва бошқа халқаро ташкилотлар билан халқаро ҳамкорлик ва ўзаро алоқаларни кенгайтиришни режалаштираётгани ҳақида хабар қилади. Ушбу ҳамкорлик атом энергетикаси соҳасига хорижий инвестицияларни ва илгор технологияларни жалб этишга кўмаклашади, деб ёзади беларуслик журналистлар.



Озарбайжоннинг “Тренд” ахборот агентлиги шарҳловчиларининг фикрича, Ўзбекистоннинг ядро энергетикаси бозорига кириб бориши бу ердаги “кучлар мувозанати”ни ўзгартириб юбориши мумкин. “Кўп сонли аҳоли, катта миқдордаги табиий ресурслар ва салмоқли инфратузилмавий имкониятларга эга республика жаҳон атом энергетикаси бозорига муҳим субъектга айланиши кутилмоқда”.

Анвар МИРЗАЕВ
(«Халқ сўзи») тайёрлади.

МАДАНИЯТ хабарлари

Археология оламига қизиқиш

Термиз археология музейи томонидан “Амударё” болалар соғломлаштириш оромгоҳида “Археология оламига саёҳат” номли кўчма кўргазма ташкил қилинди.

Болаларга музей ва унда сақланаётган экспонатлар ҳақида кенг тушунчалар берилди. Осориатикалар фотосуратлари эса ўғил-қизларнинг юртимиз тарихи, маданиятига бўлган қизиқишини оширди.

Ранглардаги жозиба

Ўзбекистон маданияти тарихи давлат музейида Бадий академия академиги, “Дўстлик” ордени соҳиб, маҳоратли rassom Аслиддин Исаевнинг “Рангларда нур ва жозиба” номли кўргазмаси ташкил этилди.

Унда ижодкорнинг рангтасвир жанридаги юзга яқин асарлари намойиш этилмоқда. Уларда инсон ва табиат уйғунлиги, фалсафаси қаламга олинган. Шундан бўлса керак, томошабинни теран фикрлашга чорлайди.

Маданият вазирлиги хабарлари асосида
Дилмурод СОДИҚОВ тайёрлади.

ЭЪЛОНЛАР

«ИПОТЕКА-БАНК» АТИБ

юридик шахслар учун мўлжалланган қўйидаги янги, жозибадор депозит сертификатларини таклиф этади:

- номинал қиймати — **50 000 000** (эллик миллион) сўм;
- фоиз ставкаси — депозит сақлаш муддатига боғлиқ бўлган ҳолда:
- 365 кун — йиллик **10** фоиз;
- 540 кун — йиллик **11** фоиз;
- 730 кун — йиллик **12** фоиз;
- 912 кун — йиллик **13** фоиз;
- 1095 кун — йиллик **14** фоиз;
- қимматли қорғозлар тури — эгасининг номи ёзилган.

Депозит сертификатлар бўйича фоизлар ҳар ойда тўланади.

Депозит сертификатлари

«Ипотека-банк» АТИБ Тошкент шаҳар филиаллари орқали сотилади.

Қўшимча маълумотларни қуйидаги телефонлар орқали олиш мумкин:
(0-371) 150-98-19, 150-89-52.

Хизматлар лицензияланган.

Давлат, хусусий ва мулкчилик шакли турлича бўлган корхона ва ташкилотлар раҳбарлари диққатига!

Ўзбекистон Республикаси ИИВ Моддий-техника таъминоти бошқармаси

қуйидагиларни сотиб олиш учун танлов савдолари муддати узайтирилганлигини эълон қилади:

- электрик иш столи — 2 тўплам;
- дурадгор иш столи — 2 тўплам;
- чилангар иш столи — 12 тўплам;
- асбоб ва жиҳозлар учун икки табақали қулфланадиган металл шкаф — 8 тўплам;
- токарлик дастгоҳи (кичик) — 1 тўплам;
- бургилаш дастгоҳи — 1 тўплам;
- йўниш дастгоҳи — 1 тўплам;
- йўниш дастгоҳи (кичик) — 1 тўплам;
- металл учун дискли айланма арра (кичик болгарка) — 1 тўплам;
- металл учун дискли айланма арра (болгарка) — 1 тўплам;
- электр кўл рандаси — 1 тўплам;
- электр кўл рандаси (кичик) — 1 тўплам;
- металл кесувчи (консоль типигади кўндаланг кесувчи арра, бурчак кесувчи) — 1 тўплам;
- пайвандлаш лампаси — 1 тўплам;
- пайвандлаш лампаси (кичик) — 1 тўплам;
- чилангарлик столи учун бурилувчан тиски сандони билан 200 мм. — 1 тўплам;
- чилангарлик столи учун бурилувчан тиски сандони билан 120 мм. — 1 тўплам;
- мотоболгарка (бензин билан кесувчи металл ва тош учун Д-400 м) — 1 тўплам;
- мотопомпа 50 — 1 тўплам;

- мотогидравлик кўтаргич (подъемник) — 1 тўплам;
- лентали арра — 1 тўплам;
- тош кесувчи универсал кескич — 1 тўплам;
- электр лобзик — 1 тўплам;
- мотопомпа 100 — 1 тўплам;
- бензинда ишловчи арра (бензопила) — 1 тўплам;
- айланма дастарра 165 мм. (тахта ва тош учун) — 1 тўплам;
- айланма дастарра 235 мм. (тахта учун) — 1 тўплам;
- айланма дастарра 120 мм. (тахта ва тош учун) — 1 тўплам;
- кафелькескич — 1 тўплам;
- электр қайчи — 1 тўплам;
- электродрель (икки хил тезликда ишлайдиган, зарбли) — 1 тўплам;
- электродрель (зарбли, кичик) — 1 тўплам;
- аккумуляторда ишлайдиган шуруп бурагич (зарбли) — 1 тўплам;
- аккумуляторда ишлайдиган шуруп бурагич (зарбли, кичик) — 1 тўплам;
- перфоратор — 2 тўплам;
- силликлаш (шлифовальная) машинкаси (лентали) — 1 тўплам;
- бурчак силликлаш машинкаси (лентали) — 1 тўплам;
- бурчак силликлаш машинкаси 125 мм. (лентали) — 1 тўплам;

- бурчак силликлаш машинкаси 230 мм. (лентали) — 1 тўплам;
- бурчак силликлаш машинкаси 180 мм. (лентали) — 1 тўплам;
- пайвандлаш маскasi (панорамали рақамли) — 3 дона;
- электрик учун жиҳозлар жамламаси (кейс) — 1 тўплам;
- дурадгор учун жиҳозлар жамламаси (кейс) — 2 тўплам;
- чилангар-механик учун жиҳозлар жамламаси (кейс) — 2 тўплам;
- калитлар жамламаси (набор рожковых ключей 6—32 мм. (кейс) — 2 тўплам;
- кўл степлери (қурилишга) — 2 тўплам;
- бурчинлаш асбоби — 1 тўплам;
- пластик трубалар учун пайвандлаш ускунаси — 1 тўплам;
- сантехника газ калитлари жамламаси № 1, № 2, № 3 (американика) — 3 тўплам;
- чилангар-механик жиҳозлари стационар жамламаси (шкаф) — 2 тўплам;
- кўчма пайвандлаш инвертори 220 — 230 Вт (гилдиракда) — 1 тўплам;

Қуйидагиларни сотиб олиш бўйича тижорат таклифларини қабул қилиш муддати узайтирилади:

- бир ўқли тиркамага ўрнатилган кўчма ёритиш электростанцияси — 2 тўплам;
- бир ўқли тиркамага ўрнатилган кўчма универсал зарядловчи электростанция — 8 тўплам;
- электростанция — 5 тўплам;
- бензинда ишловчи занжирли арра — 13 дона.

Тижорат таклифлари эълон чоп этилган санадан бошлаб 30 календарь куни мобайнида қабул қилинади.

Танлов савдолари қуйидаги манзилда бўлиб ўтади: Ўзбекистон Республикаси, 100070, Тошкент шаҳри, Шота Руставели 1-берк кўчаси, 1-уй. Маълумот учун ҳар куни соат 9.00 дан 18.00 гача юқоридаги манзил бўйича ёки қуйидаги телефонлар орқали муурожаат қилиш мумкин: (+99871) 231-40-98 (навбатчи), 281-46-71.

Халқ сўзи

Народное слово

МУАССИСЛАР:
Ўзбекистон Республикаси Олий Мажлиси
Қонунчилик палатаси Кенгаши, Ўзбекистон Республикаси
Олий Мажлиси Сенати Кенгаши ва
Ўзбекистон Республикаси Вазирлар Маҳкамаси

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 745. 78 621 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоcи келишилган нархда.

Газетамиз ҳақидаги маълумотларни қўлаб олиш учун QR-коднинг телефонингиз орқали сканер қилинг.



ТЕЛЕФОНЛАР:
Девонхона (0-371) 233-52-55;
Котибият (0-371) 233-10-28; Эълонлар (0-371) 232-11-15.



Таҳририятга келган кўлабмақал тақриз қилинмайди ва муаллифга қайтарилмайди.

Газетанинг таъкид берилиши учун обунани расмийлаштирган ташкилот жавобгар.

Газета таҳририят компьютер марказда термиди ҳамда оператор М. Бегмуратов томонидан саҳифаланади.

Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул. Босмахона телефони: (0-371) 233-11-07.

• МАНЗИЛИМИЗ:

100000,

Тошкент шаҳри,

Матбуотчилар кўчаси, 32-уй.

Навбатчи муҳаррир — С. Раҳмонов.

Навбатчи — Ю. Бўронов.

Мусаҳҳих — Ш. Машраббоев.

“Шарқ” нашриёт-матбаа акциядорлик компанияси босмахонаси. Корхона манзили:
“Буюк Турон” кўчаси, 41. ЎзА якуни — 21.07 Топширилди — 23.05 1 2 3 4 5 6